

四庫全書

集部

欽定四庫全書

御製詩四集卷七十二

古今體九十七首

庚子八

登鳳凰山澄觀臺作歌

鳳凰山今杭城外宋代却在禁苑中爾時偏安忘恢復
嬉遊泛索多行宮屢經兵燹率頽廢斷垣破礎猶或逢
乙酉之春南巡浙大吏綴景稍興工成事不說因亦聽
究之總覺歎於衷高臺澄觀我所額江山勝攬豁心胸

訝到水晶宮觀表

乙酉登澄觀臺之句

昔年清興會以重吳興真

有子昂蹟罷往恐妨桑與農

湖州有水晶宮古蹟即郡城南樓也因趙孟頫溪上

王樓樓上月清光合作水晶宮之詩得名孟頫并自號水晶宮道人予舊題此臺以水晶宮相擬故附及之先

是地方大吏以湖州太湖漕港關繫數郡水利臣民盼望臨幸指示本欲允之前歲秋浙閩總督楊景素入覲以圖樣呈進計程應多數日且聞緝道有礙農桑遂罷其說而漕港之水利則令該督撫率屬妥為濬治

寄題道場山用蘇東坡遊道場山何山詩韻

道場何山本同麓或勝在頂

道場山

或在谷

何山見一統志

東坡

詩熟我胸中每思勝處試託足餘杭西望白雲漫其下

王局曾遊盤儒傳何楷僧如訥俱成往事付流湍省方

今歲當春出要在民瘼咨前席頗聞吳興耕織勤梯田

寸地桑麻植

湖民素勤耕織而水稻田土無多其藝桑者起土培高四面種植寸地不遺閒耕道

所經不無有礙桑田之處是以命罷巡彈縱懷螺黛與烟鬟欲往寧弗勞民

間以此竟罷命巡蹕寄題遙自鳳凰山蘇詩偶復和一

旦那論得全及得半望湖亭畔漫泐碑

道場山頂有望湖亭云樓

港疏治廬顧嘆

題船室

春秋十五閱流年新樣重看室仿船

乙酉年地方大吏新構者

真是

卧遊叅水逝不妨戲論置山巔江湖俯瞰如堪泛星斗
近時若可褰洛爾封疆扈蹕者作舟應憶濟于川

御教場口號

空說南朝詰武揚戎裝教習逮紅裝本無恢復中原志
留此真成是戲場

燕雲嶺

梁時興建識君灘十六年過此重

去聲

觀為憶曩時茲掖

輦愴然俯首祇餘嘆

敷文書院三疊舊作六韻

久矣別書院重修時對文載咨爾多士何以稱去聲尊君

值此興學際應思課讀勤虛車凜有戒實地鄙無聞雅

正原非飾清真不貴紛他年棟梁器茲日蒨管聲

清漣寺觀魚四疊舊作韻

依舊清漣寺別來十載餘迅誠莊夢蝶知笑惠論平聲魚

乍凭去聲奩開鏡還欣檻倚裾泳游隨所適潛躍任其如

物意參理趣新題接舊書鱗中足智者誰試釣竿鯢

岳武穆祠

相過

平聲

必紀詩忠勇實嘉之屈死夫何恨每生豈肯為

存心義有素報國志無移飛白曾觀諭由來情見辭

內府

藏宋高宗付岳飛手勅云卿盛秋之際提兵按遼風霜已寒征馭良苦如是別有事宜可密奏來云云初無督令恢復之語其願與金國議和之意已隱然言外矣

金鼓洞

深沉洞穴鎖龍從異響常因吼謬風武穆孤墳近其下

至今金鼓氣猶雄

過棲霞嶺

嶺上多桃樹春來燦若霞過之遙此日棲則付誰家那

禁溪流片

嶺下有水名桃溪

即看林綴葩迴輿問僧紹

齊明僧紹隱居

江南攝山後因
其宅爲棲霞寺

南北定何差

紫雲洞

黃龍

洞

帶左棲霞

嶺

右北洞居然據路中未可鳴鞭過

弗入春風坐似拂秋風

黃龍洞

山陽迤邐至山陰古洞黃龍此重去聲尋巒谷峭間步由

迴竹松森處望延深依然石佛禮當面何有金經悟入心

移自吳興慧開剎

見西湖志

徒遙題句罷登臨

宋淳祐間有僧慧開初說

法於吳興之黃龍山後卓錫於此洞因得名洞中石佛高二丈許相傳即慧開所鑿吳興雖有慧開古蹟今既

罷吳興之行僅惟過詠耳

題宋製蘭亭硯

舊阮想出蘄村湄圖作蘭亭修禊時韻事自來應入畫

雅人端合有深思崇山峻嶺依然在視昔由今定不疑
欲告臨池摹帖者阿誰誠弗愧羲之

詠官窰三足洗

紫土陶成鐵足三寓言得一此中函易辭本契退藏理

宋詔胡誇切事談

楓窓小牘載道君益八寶為九王初
察草詔曰太極函三運神功於八索

可謂切
事云

題漢玉璧

製傳自姬周稱謂率炎劉名實何常定完全喜尚留夔

紋圍外綴粟顆簇中稠庇蔭登嘉敷王孫寶有由

月
暮春上澣

魄影已過弦依依漾碧漣示虛中有實幾望必將圓桃柳

爭春夕笙歌息暮烟平湖景已好寧渠在秋天

平湖秋
月為西

湖十景
之一

飛來峯四絕句

西天竺與東震旦大地三千一掌平宇宙以來便有此

寧資慧理始傳名

瓊瓏峯裏崎嶇棧熟路之中展步尋以世語形容弗得
虛空體現妙明心

嵌巖梵像無央數聞說鑄成自大元

西湖遊覽志云壁間布鑄佛像皆六

代遺蹟而傳聞以為元梵僧札穆揚拉勒第所鑿札穆
揚拉勒第發掘南宋陵寢且以貪淫獲罪其過惡固多
蓋由元季祖繼梵僧所致至鑿佛石巖其善緣亦
不可沒也札穆揚拉勒第舊作楊璉真伽今譚改福業
禍因齊置却景增萬古護祇園

岫巖奇峯烘翠烟緩尋詭徑意祺然閱茲常住威光裏
彈指頃過十六年

題靈隱寺

靈隱易雲林

奎章歲月深

寺舊名靈隱
易名雲林寺額即

皇祖南巡時
御書也

名從工部

借詩憶考功
吟詎必頻賡
韻那無一寫心
偷閒成五字

佳境向前尋

四和

皇祖靈隱寺詩韻

峯入飛來路
瓊瓏復崎峨
即看佛宇富
應識

祖恩多春物宅階卉山雲潤壁蘿豈期十五載仍此一相過

韜光菴

靈隱暢清遊曲徑西北向翠雲入叢篁赤城盤疊嶂尋
幽極翳翳造端乃宏曠近山遠者湖縱橫歸一望竺菴
名韜光其義蘊無量衣錦復尚絅儒佛豈殊狀

韜光菴再疊舊作韻

重尋幽谷入筠林步步非塵得得深佛宇不期行以到
詩情相與酌而斟松聲泉韻近宜聽山色湖光遠豁襟

此是天龍一指處去來今那覓從心

遊普圓院

永福資嚴屢易號茲仍溯始普圓稱峯標石筍陵雲獨

泉冽金沙落磴層蘇

子瞻

趙

閱道

遊蹤尋已泯屠

隆

徐

弘基

題

額見何曾重看修葺供吟眺未識予心益愧增

按此院開山於劉宋元嘉時至石晉天福間顏為普
圓院又名資巖南宋咸淳間改為永福寺資巖無所
取義寺何資於山巖乎意謂西湖志誤書嚴為巖遂

以訛傳訛耳蓋父謂之嚴君作寺者必因資其父之
冥福遂以資嚴名寺耳且雷峯塔下別有顯嚴院亦
即作寺者取顯揚其親之義足為資嚴誤嚴之証雖
梵書有莊嚴之語但單書嚴則不成文佛以慈為本
無所用嚴也因為訂正並識於此

杭州智蹕迴鑾之作

勝遊亦戒泥留情遠可言旋智蹕旌九日快晴一夜雨

幾章清詠二編成

南巡詩率以三本書之自京起程為
一本自入江南至西湖遊畢為一本

今自杭州廻鑾則
第三本之首篇矣

山明水秀誠欣我蠶事農功恐誤氓

籌度柴塘教易石

入浙江境即先至海寧間視塘工見
統城石塘內有工二十餘丈及杭城

東老鹽倉處有柴塘四千二百餘丈雖現尚完整然究
不如石塘之鞏固命督撫據實勘估改建石塘俾濱海
羣黎永享安恬以副予先事豫籌保
愛元元之意斯實巡浙第一要務也
保民計不負茲行

雨

三月十
三日

南國多逢雨時晴是此春

江浙素多春雨今歲自入江
南境即時雨優霑至蘇州乃

晴將及旬入浙境復得優澤至杭州又晴將及旬茲於
啟蹕迴鑾前夕復被渥霖至今日卓午方止傍晚遂快

晴
優霑已盈尺及節正依旬佳處罷遊豫良田起壑酌

更因望齊冀渥澤可叨均

即事

田望春膏蠶望晴若暘若雨鮮兼并時逢今歲邁巡值
心為此邦慶幸生即看老愉而幼忭絕勝柳媚及花明
是應翠蹕言旋矣莫誤民間織與耕

題木刻屏

稅駕登臺鶴去翩採芝來者石橋邊壺中總是烟霞侶
名姓何須問列仙

右壺天蒼景

水亭四面俯鯨波宛轉虹橋少客過小艇艤來有魚賣
晚風正好煞漁簑

右虹橋晚艤

有樹槎枒有石稜層臺入影鏡光澄大家氣韻雖工寫
似此分明若箇能

右鏡閣秋澄

晴

春雨既優渥春晴亦載陽苗而秀滋麥桑以稭宜桑川
路徐輟櫓陌谿出懿筐勤劬逮婦子誰曰樂江鄉

嘉興道中作

去時桑葉未抽齊返棹桑陰綠覆低正是蠶忙此鄉最
未宜歸舫更教稽

填潭積土有諧傳

茶禪寺吳越時為保安院宋改景德禪寺又名三塔寺壬午南巡時賜今

名相傳寺基為潭不利行舟宋往唐僧行雲填土起塔鎮之因以名寺土人相沿之說如此

三塔而

今尚峙然僧侶向曾乞題額與名遂舉趙州禪

龍井昨纔述橋事嘉禾今復識堂名

蘇軾訪文長老嘗三過湖上汲水烹

茶後人建堂因以三通名之在府城西南

再斯可矣三仍再玉局居然未忘

情

已收宿雨烟未泮寫景傳神更詠詩今日晴明異名實

直教舟過恐程遲

迴蹕至蘇州即事有詠

舟艤鞦憑路不賒

迴蹕至蘇即艤舟由詩門接轡入城路較近使

扶攜瞻弗禁

喧嘩廿朝曰別本非別四海為家即是家信宿駐鑾憩

扈從片時摘藻詠清嘉
豈無餘意因民戀政務
程期肯

或差

計程至江寧即應聞兵試獻賦諸生又鍾山謁明陵徐州則閱黃河到京復又有殿試散館朝考引

見諸務并

北如大典均定有日期難以改易雖民情依戀欲多留數日不得也

三賢堂三疊高啟韻

李迪昔摘詞於蘇
頌三賢後來有高啟
五字繼芳傳在

蘇斯言蘇能無賡
韻連櫟陽以疾辭姑
胥以疾痊焚香

掃地坐顧

況

劉

禹錫

同登仙

右詠章應物

自杭分司蘇一水下

碧川出汗而不染
有如濯清蓮

右詠白居易

夢得號二王挾

邪勢利牽治郡乃課最頗稱救晚年

右詠
內錫

至今留堂

名名亦如雲烟讀史能幾人幾復知娥妍即境考遺蹟
亦足薌文筵善善欲其長葉短吟斯篇

高義園

七百餘年地天平尚范家林泉寧彼愛景概致予嘉樹
即交讓樹花為能忍花舜之徒是矣循路喜無差

題高義園藏范仲淹書伯夷頌疊前韻

聖之清乃伯夷也小范原為任者流可識頌書脚寓意

應知記作未忘憂

謂仲淹岳陽樓記

重看真蹟惟增快世守家

聲信弗羞秦

繪

賈

似富弼

文

房

胥鑒賞今思未是集狐

裘

伯夷頌自宋及今題跋頗多甚至秦檜賈似通亦屬名其上與富弼文房博並列實為賢奸相混未可謂

以類相聚如集腋成裘也

白雲泉五疊白樂天韻

白雲復此俯巖泉聊趁春遊片刻閒一十六年消底事

淙淙好在滴其間

題龍門三疊高啓韻

天平之龍門不知誰留蹟青邱已題句五字拈明白雄
峯走若怒到此忽雙劈曾無浪瀉河但有月湧夕訝此
金閭郡移彼底柱石千年古蘿薜蒼縈復翠積向曾一
涉吟十五春秋隔重來乃熟路何妨詭蹊窄曲鍼嫌磁
石腐芥棄虎魄一經高氏詠秀色生巖壁把筆擬欲罷
其如興偏激遐思督之事未忘情點額向謂德潛勝年
老登仙籍

士牛題龍門詩云何一搗真龍運削神仙籍
德潛大勝之老作金門客意以德潛晚受恩

遇得全末路蓋勝於督之點額乃因徐述夔
詩序事發敗名身後實深負向時期許也

言行不相

符空負李膺客

詠雕漆洗桐筆筒

桐乳汚桐意弗甘
課童為浴汲清潭
癖痴頗似拙中散
好潔羸他七不堪

上方山楞伽寺

上方結精藍自因境清靜
金仙所宜居
開士所宜領
而何起樓臺
用以供玩景
前度蓋已然
重來益修整
小坐意為惡
豈合方之省
雖云弗勞民
却近遊觀逞
質諸兩

足尊亦恐弗相肯

石湖八絕句再疊王寵題周臣畫筵頭韻

別久斯當意切憐石湖烟景宛如前畫屏靜展翠濯雨
玉鏡平拖朗暎天

東村筆趣足風流氣韻兼之若動浮山靄欲開下歸鷗
湖波點破起飛鷗

叅政當年別業開詎知今日有樓臺前番乙酉今庚子
點綴嫌他備兩迴

雅宜七字似天成題箋風生動搖

去聲

輕即境即詩相印

證不差些子是神情

風和日麗颺游絲步輦徐教畫裏移
喚雨隔林聽鳩婦
闌波躍藻出魚兒

峽瀑涼池半畝強鵲題兩字勢飛翔

海潮巷後石池半畝鵲題石湖兩字

於鹽上石湖之名蓋始於此
非謂山前連太湖之湖也

不知者謂太湖尾錯把行

春借作梁

鳴鞭問景向城歸

由石湖還蘇城策騎可遠不必掉舟

不必牙橋引纜絲

西望靈巖山頂寺祇餘塔影插雲微

室豈維摩天雨花興闌歸路踏平沙最憐接踵駢肩者
翹首歡心仰翠華

題玉鏤石湖景盃

倣明製犀角
盃式爲之

玉石子如犀角材鏤盃明製試摹哉上方山頂楞伽寺
憶我其間得句迴

題明人西山勝景書畫合璧冊

久貯西山勝境圖來巡一一證無殊踞湖風景依然好

拈句人慙尚故吾

右劉珏踞湖山

上方一帶皆臨水浸入青山影漾流茶磨如詢何代始
依稀鴻漸與名留

右沈周茶磨嶼

橫山移郭號稱新可識稱新者古人祇有青帘與白屋
閱他千載幻和真

右沈周新郭

石室罪除勾踐纔西施猶自寵蘇臺那知暮樂朝歡裏
已自橫塘有越來

右唐寅越來溪

橫亘溪湖夾鏡連兩頭桃柳闌春烟十餘年別夫何異
只覺民情越懇前

右唐寅行春橋

越來溪上跨長橋傳說當年建傳潮何必經行始留句
愛他語叶稼之饒

右唐寅饒緣橋

橫築塘看南北排分流東出望無涯臨風欲擬郊寒句
恐匪行春育物懷

右文徵明橫塘

水濶峯高靜絕塵題尋舊句景吟新范家叅政雖留號
不啻江湖放浪人

右文徵明石湖

春日桃花滿塢披六如圖尚有遺詩長歌擬仿樂天白

白俗謂他俗過之

桃花塢為唐寅舊居寅白題桃花菴長歌其意欲仿香山然香山詩首人

即有白俗之識若寅詩則更俗而近於俚矣

右陳淳桃花塢

治平居北紫薇南接以長橋卧碧潭五步行看風景異
山陰何異鏡中涵

右陳淳紫薇村

以王紱溪山漁隱圖賜惠山寺弄珍以償竹鑪四

圖回祿之失詩以誌事

四圖回祿雖分補

竹壘王絳等四圖既燬因為補寫前卷而命皇六子及都統弘昉侍郎董

誥分寫二三四卷雖詩畫依前而氣韻非昔乃復檢石渠所弄王絳畫卷郵寄賜之 氣韻終嫌似

舊難爰命石渠出真蹟俾藏僧舍作奇觀幸兼跋語存

原博

惠山王絳竹壘卷有吳寬題跋今石渠寶笈所弄王絳溪山漁隱圖亦有吳寬跋語稱其詩畫並臻

妙境與竹壘圖筆墨絕肖款識依然賜藏山寺俾還舊觀庶為名藍復增韻事 一例長圖寫孟

端試問惠山白足者可猶飲恨有司官

漪瀾堂再疊前韻

玉局當年題此堂重來試閱鏡中光過眸歲月真無住

漪面波瀾亦有章繞砌不妨任清濁隨流那復計圓方
促成七字言旋蹕恐就瞻民候久長

若水洞

流出為池方與圓湖源水洞得涼泉濯清因識具深義
六一成之含地天

賦得春日載陽

得風字八韻
會試題

姑洗律方應大梁會並同陸東行麗日臺上報滔風條
望陽初發暄和氣正融辭冬遠嚴果迎夏近庖鴻勾出

萌都達柳昏斗曉中陌看桑葉柘庭有始華桐旋
去聲旋
花軌影遲遲蓮漏笛皆春欣與物益切執規衷

雨

三月二十日

旋蹕舟行正值閒吳雲密幕遠峯鬟巧其晴寄江天外
沃朕心滋麥隴間諛頌厭聞娛上下惠鮮益切憫惻鰥
溟濛中裏敲吟罷迴望九龍失却山

劍井

公子延陵豕豎陽訛因解劍正何妨笑他興地傳仙蹟

拜相調稱井吐光

按劍井在武進縣東南二十里其初得名或因季子
有為徐君解劍繫冢樹事而延陵有季子冢在暨陽
鄉毗陵劍井即以此附會傳訛亦尚有說乃輿地紀
勝則稱劍井為葛仙翁駐馬之地郡人有拜樞相擢
大魁者皆先一歲瑞氣氛氲升騰累日邑宰陸元光
立石紀之云云其說益復支離去真彌遠凡紀載所
傳事蹟失實難以盡信每有類是者因於此詩及之

聞京師得雨詩以誌慰

翼旦西湖啓蹕旋

於三月十三日自杭州啓蹕迴鑾此謂十二日也

密雲終日

閣霏烟那知移作京畿雨

在京王大臣奏報十二日寅刻雨甚濃密已刻後時落時

往至晚方止入土二寸有餘於二麥大田實有裨益

繼被深滋江國田

十三日杭州回蹕前

夕即雨自宵及旦至午方止雨勢益自北而南云

地隔三千郵報至澤霑二麥

隴苗芽既欣略惜欠優渥望蜀予心自昔然

舟過揚子至金山駐蹕作

巡鑾將次至金陵一宿程留浮玉仍

向章江寧自丹陽城霞閣舟行過揚

子江駐金山一宿次日渡江道陸駐龍潭茲仍其例風順而平送舟速江恬以

靜不波興佈陰樹葉饒春張去聲似繪山花望更增拱讀

宵碑今朔

昔

金山寺林刻山碑記年未歲乎

皇祖御製奉

皇太后駕臨金山聖母駕臨金山

之記今風景如舊而觸目繁懷祇增感愴耳

無心問景憾難勝

山東巡撫國泰河南巡撫榮柱各報得雨詩以誌

慰用三月十三日雨韻

駐鑾晴及節

駐杭州晴將及旬

迴蹕雨霑春先後連四省

浙江於迴

暉前夕及次日得雨在京王大臣奏報於三月十二日
京師得雨二寸餘故國奏報山東於十一十二兩日
濟南等八府濟寧等二州皆被春膏自三四寸至五六
寸不等陳柱奏報河南於十一日由晝及夜甘澍優渥
四野深透十二日雨勢
未止雲氣甚廣云云
渥優總上旬麥薺資粒實禾黍

起耕耘所幸殷勤望

十三日杭州迴暉雨詩云更因望
齊冀渥澤可叨均今果據山東河

南同日奏至惟直隸尚未報到
想近在鄰疆自可均叨渥澤

誠叨被澤均

讀杜詩口占得句

昨日之昨去難追今日之今無駐時百年之來迅若斯
由今視昔何須悲杜老宜重讀杜詩然而杜老原在茲

顧茲弗捨眷戀迷不值一喙誠堪嗤

題漢王赤刀

赤刀有赤仍餘白式仿姬家製實劉作佩何殊戒急緩
取裁兼用濟剛柔緬思大訓還堪廁隱懼太阿莫倒投
設使羊脂割以正笑他蒿目可分不

句容道中作

遵陸大江邊衡平直似弦所欣宜北馬乃覺勝南舡麥
穗秀將實菜花開以全三茅曾不問我意匪求仙

兩

三月二十
四日

駐鑒見雨落作解聽雷鳴真是如人意自然宜物情飛

簷垂瀑響虛砌受盆傾仍有非常願願茲達帝京

三月
十二

日京師得雨二寸
餘未似此優渥也

晴用前詩韻

渥雨入宵止庭柯乾鵲鳴利秧浸稻種飽穗喜甦情塵

靜沿峯轉谿喧赴澗傾棲霞喜停蹕指日到南京

於棲
霞信

宿駐蹕擬廿
六日亞江亭

慧居寺疊乙酉韻

精藍據向陽，熟路到曾常。
風靜乃旃動，禪圓而戒方。
寺原超下界，僧自富齋糧。
試問出塵地，可真選佛場。
愛他別室迴，却盡納山光。

賜額慧居改

奇本名隆昌在寶華山梁僧寶誌駐錫於此聖祖南巡勅改慧居寺

賜御書額

千秋名永揚

駐棲霞行宮即事有詠

於斯有宿因，心鏡兩無塵。
樹色自太古，山花又好春。
壺

中仰天鏡座底俯泉紳一瞬十六載今來忽七旬

題棲霞十景

長江為帶白山襟攝養寧因藥草尋
幼挈老扶鋪蹕路
愜予一十六年心

右棲霞山

行宮之內最高處高處得泉他
鮮同滙作清池鑑毛髮
諸峯圓印影玲瓏

右玲峯池

豎峯萬古矗巖嵒高閣仍茲偶對之太白香鑪詠瀑布
一時日照想然疑

右紫峯閣

過眼浮光迅若馳重茲書舍萬松披山房設果刮目待
猶昔人哉慙自知

右萬松山房

入自蒙茸得以深豁然開處見天心天心原在人心裏
應向聖經章句尋

右天開岩

尋幽最喜得居宜
遠卻俗塵引靜思
雅合付之僧紹輩
千乘萬騎此何為

右幽居菴

詭峯搖則復崕呀
鋪谷傾崖感浪花
是水胡然今不濕
山靈直欲傲江巴

右疊浪崖

一泓無滓印空澄
山脚泉敲珠顆硤
憑攬不殊昔年況

別疏猶憶尹家曾

江總攝山棲霞寺碑稱尹先生記曰山多草藥可以攝養故以攝為名云

云此泉復經前督臣尹繼善疏剔亦今古因緣適相同耳

右珍珠泉

橋以虹稱溪以鏡藉來幻喻却成真因思世上號真者
何一而非幻所因

右彩虹明鏡

闍黎公案底須刪又見巖雲佈德山空也色乎難著語
彼英英者祇閒閒

右德雲庵

登最高峯作歌

總斯一攝山巒壑派分夥而皆朝宗頂如佛螺髻妥凌

晨肩輿陟紫峯

閣

萬松

山房

幽居

巷

循徑從奇松詭石太

古踪槎枒詰曲披蒙茸豁然開朗神心泰是乃造極高

之最落星以為襟長江以為帶攝兮無所不包含小我

採藥養生談是時天風拂嶰嵒峭寒切體薜衣添牛頭

一帶俯視南此為足底彼峯尖孰能乘天風駕鸞驂消

萬慮於華巖六朝往蹟誠其纖

白乳泉試茶亭用皇甫曾送陸鴻漸棲霞寺採茶

詩韻

石壁隸書六歲久莓苔生

見明盛時泰攝山志即
白乳泉試茶亭六字 遺自

高峯降遂緣曲棧行小憩笠亭幽慢試雲竇清曾羽茗
蹟邀茲復傳其聲

題太古堂

就山以構堂堂豈如山久斯堂固今為山實太古有居

然堂占之寧渠非亭帚名山意若云復久待可否

武夷一曲精廬

言勝彼以山是獨勝以水水亦非浩瀚一曲斯足矣
潭挂崖口環潛圓砌齒武夷我豈見想或有同此因思
世間物何莫非名擬

春雨山房對雨

山房號春雨昨至乃晴明遙自山遊回山雲四面迎徐
霏乍急陣簷泉遂霍聲峯姿及樹態隱現萬變生珠簾

垂八窓鳳笙奏六雲把筆坐山房佳哉善偕名既云踐
其實便可以時晴

晴

快雨復時晴潤暄欣適平行宮背北麓曉駕指南京巡
狩巡所守觀民觀我生幸逢諸事吉惟益凜持盈

按觀九五之象朱子注之曰人君觀已所行不但一
身之得失又當觀民之善否以自省察如是則君與
民為二非一體而自省察之語亦屬引而不發以余

論之君與民本一體民心之向背宜觀也民風之善惡宜觀也民生之治亂宜觀也是此三者皆觀民之要而其餘宜觀者不可屈指數然此三觀皆應觀已之所行有以致之若曰觀已之得失又觀民之善否是朱子所謂話成兩極而非一體矣因用象語故闡其義如此

燕子磯即景

巖徑度輿輕塵消泥不生暢觀緣造極快意是新晴柳

絮殷勤舞山禽自在鳴
長江靜風浪來往任舟行

遊觀音山永濟寺

一帶山崖依大江
棲崖蕭寺若吳艘
下臨無地意無住

上睇得空心
得降何必孤舟鍊鐵鎖
俗稱鐵鎖恰如破

浪挂筠雙簪
門明示法惟識
三界惟心萬法惟識又惟識故聲色擬擬出摘月錄

即境何妨聲色擬

御製詩四集卷七十二

欽定四庫全書

集部

御製詩四集卷七十三至五

編修臣
初喬齡覆校

總校官編修臣
程嘉謨

欽定四庫全書

御製詩四集卷七十五

古今體七十六首

駐蹕江寧三疊舊作韻

重臨白下古名區
詎祇遊觀清蹕紆
因以興亡弔吳國
終當形勢遜燕都
江河入畫神俱秀
草木當春意轉蘊
萬姓隨鑿紛左右
同臻歡悅與之俱

題明陵口號

佳城三里近都城舉眼可瞻簷與楹彼子孫如無心可
有心歎彼若為情

金陵城東

東向靈谷寺曾無十里遙雲容歛遠宇露氣重清朝
穗青鋪壠菜花黃羃柳頽城為土埂不辨是何朝

題靈谷寺

龍蟠因獨據象教以重遷莫辨興國蹟

宋時是寺名

却殊開

善緣

謂明孝固建陵移寺亦即梁時寺名

昔新今復舊空是色非禪小憩

憑輿去鐘聲林外傳

賦得日華川上動

得暉字八韻
江寧試題

春旭初昇曉晴川先受輝騰光纔的映送暖尚熹微平

浦波輕閃深潭淵未晞陰陽山異號

山南先見日為陽
北為陰水北先見

日為陽
南為陰

南北岸分圻見朗驚鷗宿迷離起鷺飛懸華時

上下耀藻乍依違輪駐羲仲御錦披織女機拈毫詠浮

景畢想謝元暉

閱江寧旗兵

金史卷之十三
卷七十三
詰爾方行寓覲光閱兵江表武維揚微風不動旌旗肅
曉日偏增組練煌問俗此時思繼述駐防

當日意深長毋忘爾祖國之蓋禦侮曾茲隨豫王

按豫王執明福王平江南其功不可泯戊戌春有旨
申雪罪愆並復其舊封號配祀

太廟凡以旌前示後勵我宗潢而彼時隨王折衝禦侮
皆我八旗子弟兵今茲駐防江寧者或尚有其曾元
也

雞鳴寺

閱武有餘暇尋山試勝游雲梯登百級月宇豁雙眸普

濟

寺塔名

仍瞻塔憑虛

寺閣名

亦倚樓孳孳善與利語憶子

興留

遊清涼寺

清涼山上清涼寺縮地五臺為建康

清涼山本山山西五臺山名不知何代

亦名此山一統志無其名惟於石頭山附載之

立字安名局有定春風秋月自

其常禪枝籠宇佈新葉慧草當階發古香左市右江都

入攬不堪前代論興亡

朝天宮

宋時天慶北朝天易後名因洪武年道侶何須問修煉
吾心原不慕神仙幻哉法術千星斗遠矣元言留五十

朝賀習儀曰於此

見一統志

思量殷鑒意變然

陝西巡撫劉秉恬奏報得雨詩以誌慰

陝省於斯路較遙報來得雨喜同朝

三月初二三日江浙普霑春雨茲據

劉秉恬奏報亦於是日細雨霑霑入土三寸有餘並稱各屬於正月二十六三十并二月初四五及十六七八

等日有得雪三四五寸者有得雨三四五寸及
深透者舉凡高下田疇無處不形滋潤云云 望秋不

啻麥亢穗潤土蕪欣禾茁苗惟幼農功吾所切漫稱稔

兆爾生驕

劉東恬又稱此後只須三月下旬四月望間
再得時雨兩次則一切夏田便可大稔語意

稍覺滿足惟應勤求民瘼並
勵謙聲以冀仰祈惠貺耳

君臣責共勤民事謙聲祈

年惠或邀

命大學士阿桂總督薩載同勘陶莊黃河及入海

口事畢復命詩以誌事

久聞海口淤議論紛聚訟實無善治法未可漫試用復

聞決隄後

海口淤塞外間頗有浮議達四十三年儀封與時和驛先後決口議者益復紛紜而又實

無疏治之策及河工合龍後大學士阿桂赴行在復命固命與總督薩載前赴雲梯關外履勘黃河入海情形

以便籌辦

溜自渦河縱徐州下流微舊河乃多空適值清水

壯刷深海口送一弊亦一利却反資川降叶今者河初

復善後事方衆新河俾開寬夏漲庶可容叶雲梯關以

外東注實無壅

阿桂等勘畢海口復奏雲梯關外水面比兩岸低丈許海口外灘比現在水面

又低數尺寬至三百六十餘丈河水東注並無壅遏無庸亟籌更易海口云云蓋前歲儀封河決溜從渦河而

下適值洪澤湖水壯盛藉清刷深海口是安馬港接西

嶽河南雖被災而黃河下游轉得利益矣

隄自屬分提封

阿桂等又奏馬港河有殘缺舊隄二道東隄長六里餘西隄長二十九里餘雖

在雲梯關外但上游為腹裡民田每遇盛漲即虞倒漾請將西隄殘缺及接築無隄處所聯至北潮河西岸民

堰以禦倒漾自應如此籌畫

其二套以下宜溜分洩共

二套以下由北潮河入海

處所路捷勢順故遇漫溢正可分洩盛漲宜留以暢達尾閘無庸更行辦理

建閘轉不必與

水爭利開

雲梯關外原不必與水爭地阿桂等所請添建閘壩以資啟閉之處諭令停止灘地

保無溢豁糧切瘵悃

二套以下分洩盛漲則馬港河隄東灘地即不能保無漫溢其應徵

減則地畝錢糧並著薩載等查明奏請豁除

大端既以示推行善衆綜巡方

非徒來安民切深衷

叶

題文伯仁金陵十八景

行笥攜來文氏圖江山欲驗是同殊無過過眼雲烟
王濬休稱此伐吳

右三山

孔氏移文固足高沽諸待賈亦箴韜務名一往有充隱
未免濫觴由汝曹

右草堂

猶傳梁武信毘耶法涉有為祇肆奢當面失之初祖去

定知天不雨其花

右雨花臺

欲因立闕指牛頭卓識由來自不侔
桓彝渡江期管仲
斯人豈祇尚風流

右牛首山

三山門外水明秋南國當年最勝遊
連接長江作天塹
誰能飛渡莫須愁

右莫愁湖

養生那駐少年顏每到棲遲兩日間但看堂堂面南勢
也教秀拔攝諸山

右攝山

元嘉遺事尚堪稽大爲依稀是鳳兮太白已來應罷詠
却因展畫一拈題

右鳳皇臺

新亭晏飲會嘉賓文獻正言斥伯仁三問無言見前表
涕流負友又何因

右新亭

倚石壁臨大江險攻誠非易守何難然而失守恆於此
在德由來語不刊

右石頭城

百年休養南京地按轡勝朝遺蹟觀九軌遙通報恩寺
依稀猶說大長干

右長干

鷺洲師進多倖斬既至圍城稱疾盟魯國無慙儒將矣

金少曰卷之三
兵機要識重和輕

右白鷺洲

一水環流護故宮岸傍草綠野花紅至今鷗鷺閒浮侶
也識當年畫舫空

右青谿

插入江濱祥發商勢疑飛翥又疑翔南瞻比似烏衣巷
可認盧家玳瑁梁

右燕子磯

左臨桑野右湖虛聞道當年五庫儲大綱小習底須備
方春生養不觀魚

右太平隄

渡口留名歲月賒春來桃葉與桃花不羈放蕩猶餘事
書法何當跨竈誇

右桃葉渡

白下由來名久標白城相接白門遙而今遺蹟多荒沒
誰復淒涼歎六朝

右白門

方山四面聳嶙峋聞說當年多隱淪相去市朝七十里
東華宣果遠紅塵

右方山

民風吏治總塵心寧在明山秀水尋十六年重烟景聞
新林今果是新林

右新林

宋米友仁瓦硯歌

未央銅雀瓦稱珍十中曾無一二真是瓦較彼加廣博
却不規撫葛麻文質重理細古而澤旁識藏者米友仁
想其家學傳書畫時時濡墨斯龍賓後來奔經天籟閣
元汴法眼寧疑贗萬青山館銘深刻由來不知何許人
再斯可矣

謂米友仁
項元汴

斯何必忽笑斯更饒云云

題和闐玉松巖仙館圖

鬱鬱層松鎖梵寮峯霞高矗赤城標考功人似裴叔度
路入天台步石橋

直隸總督袁守侗奏報各屬得雨詩以誌慰

豫齊因近報得雨即冀京畿想亦同

昨河南山東奏報於三月十一二日

得雨即思直隸近在鄰疆自可均叨溥澤今果報至

果奏季春十一二均霑各屬

畝南東

袁守侗奏報於三月十一二兩日近京各州縣暨保定永平河間天津正定順德廣平大名宣

化遵化冀州深州定州等各府州屬得雨自二三四五寸至霑足不等

秋斂正沃穗結實

早穀蕪滋苗吐芄

袁守侗又奏各屬二麥長發兩倍倍加暢茂已種之早穀高粱青蔥長發

未種之粟穀黑豆棉花等項皆乘時播種偶有缺乏籽種之戶酌量借給俾咸得盡力南畝

並慮趨

耕有貧乏嘉其借種

上聲

勸農功

題朱松竹刻西園雅集圖筆筒

正嘉二百餘年閱鄰鶴

松字也

遺雕堅致真高技必應託

高事傳形莫若善傳神曾無紕裂丁甲護雅稱去聲摩挲

筆硯親凹凸其間疑可步珍圖欲奪李公麟

就雕刻深淺為樹石

層次若有蹊徑可尋以勝於畫圖之平列矣

詠官窑盤子

周尺將盈尺宋瓷方是瓷晨星真可貴劫火未曾虧薛

暴寧須議

物以少為貴舊瓷雖微有薛暴亦入珍玩若新瓷則以為脚貨矣

完全已足

奇穆然陳綈几獨切水圓思

江寧故宮城歌

江寧故城凡幾移秣陵治城紛難考建康臺城即在茲

無過左右滄裏表

一統志江寧在秦漢為秣陵孫權都北改名建業又舊志建業故城在吳

治城東歷代沿革名既更而地亦屢移臺城在元武昌湖側輿地紀勝臺城本吳後苑城晉咸和中修繕為建康

宮又建康志今胭脂井至高樓基二里即古臺城地雖陵谷變遷地名屢易然總不出石頭之左鍾山之右大江

之南斗首之北而已率因世遠年已湮以訛傳訛殊不少祇有紫

禁及故宮朱明蹟近還堪討然而殿閣無一存惟存柱

礎理烟草至元拆木輸大都

舊志宋行宮在京城內大中街元至元十五年拆故

宮材木輸之大都遺址僅存二十三年改為御史臺至正十六年明祖建府於此後改築皇城於東偏稱此為

舊內是故宮永樂重運燕京道

明初築紫禁城營立宮殿當鍾山之陽規制頗

宏整俗傳永樂遷都時運故宮材木於北京若元至正故事金陵宮闕遂鞠為茂草是故宮之又一變也午

門斗城餘雉堞皇極殿瓦雙鴟倒福王覩斯應椎心卧

薪恢復猶難保

福王雖都此播遷之後一切華露殊無朝廟規制也

而何耽樂信

邪奸乃歎優人艱致好豫王得之未費力

福王監國南京不思枕戈

嘗膽以圖恢復而乃信任馬阮惟聲色是耽以致淪胥莫救時豫王乘霧統兵渡江援師悲潰福王夜奔太平

執至南京其取滅亡良可歎耳

荒涼豈緣兵燹擾即今城內駐旗兵尚

覺空曠多溪沼憑輿小住弔興亡鑒戒慮深非炫藻

金陵詠古

鍾山

名言葛亮頌龍蟠卜兆原期永世安二世遂成爭據地
堪輿何藉可心寒

烏衣巷

王導爾時柱石人寧當還避庾家塵瞻烏爰止於誰屋

此語不應出世臣

邀笛步

名教中餘樂地真風流放達豈閭閻吹之與彼邀之者
都是涓陽之罪人

華林園

臺城古蹟久荒蕪一望惟餘圃種蔬帝里寧當詡林木
翛然此日語誠符

樂遊苑

晉代藥園宋遊苑北郊改置豈宜乎即令蔓草荒烟裏
欲問遺蹤半有無

何點宅

自得林泉性率真適名寧止適其身望塵不及已居後
更有息心望岫人

幕府山

幕府名因王導得爾時畫策率堪知長江天塹恃為固
豈有中原恢復思

元圃

太子延儒已不當番禺女樂語尤狂左思招隱誦而愧
終是風流匪政綱

同泰寺

寺燬名存考不堪大通曾是捨身三如斯擔板為孤注

禪僧以執有無空色者為擔板漢見指月錄武帝
令羣臣贖已豈非為寺僧得佈施而自作孤注 翻與

僧家作笑談

澄心堂

南唐遺蹟邇堪徵舊紙而今價重綾偶一臨池還自笑
對茲豈不愧心澄

江寧旋蹕駐龍潭行宮作

巡狩無非事者然要於勝處戒流連金陵諸務既云畢

觀民省俗閱武弼明容水一程適可旋殊昔攝山駐以

豫向從江寧還蹕必仍駐攝山一游次日至金山圖今

程將百里茲改駐龍潭次日較近二十餘里

浮玉到為便怯行百里近廿里自覺須眉已長

上年

渡江至金山

未至攝山駐省餘廿里程密雲將作雨曉日忽開晴壠
麥向暄秀野花得意榮金山到卓午風靜剪江平

金山妙高臺再和蘓東坡韻

乙酉昔登臨契濶今庚子今昔誠瞬息南巡數千里遊
豫為侯度無非為民耳是日渡江迴風平浪不起金山
仍一宿拾級登臺砥曰臺而有屋甌研潔陳几因繹妙
高義蘓句香沁蕊上則碧寥天下則汪洋水妙高合相
觀借問非乎是爾時談禪句非活亦非死

禪門問答有
活句死句之

殊見傳
燈錄

太古堂

堂據金山陰磴道頗幽阻憑高緣俯虛江景豁入觀庭

中一古梅因之名太古我往

謂往江浙經此

梅開纔我來梅謝

久叶因悟苑與枯翻掌無定所枯恒苑每慚萬事堪絜

矩

再題文宗閣

四庫全書鈔四部八年未歲費功勤集成拔萃石渠者

頒貯思公天下云今古英華率全蓄江山秀麗與平分
百川於此朝宗海是地誠應度此文

金山觀日落

夕景於何宜江天應數最萬里無蔽遮一丸浴湍瀨其
初照水紅其次連天會絕然其初復蒼然其次冥然泯色界

明曉昇扶桑速覩以為快

題朱澄泥芝池硯

泥將為玉久堪知樸潤盎然芝作池識呂字希見今見

宋時呂翁為澄泥硯色紫而堅硯額填刻呂字至為
難得此硯紫潤堅緻硯側鐫呂字或即其遺製也 欣

因斯即懼因斯

詠周玉斧佩

土華雖受弗爛斑一色輕黃淡赤圓寓斷佩弦佩韋似
緝珍有質有文閑流傳那覓殷王斧符瑞堪同西母環
自是沉埋幽壤物不知何事出人間

再題大觀堂

渡江北上北維舟信宿仍教兩日留花事南邦未云謝

樹陰夏院已加稠觀民觀我中心忖

近詩有觀民觀我生之句意以民心

向背民風善惡民生治亂皆應觀已之所行有以致之是為君民一體詳見前按

曰旦曰明逝

水流一再題吟泐齋壁自思結習可忘不

大觀堂對雨

終日雲疏密非烟是霧濛濕衣看不見盈手潤原同問
政仍餘暇巡方半歲功平山罷游舫付與詠思中

再題文滙閣

萬卷圖書集成部頒來高閣貯凌雲會心妙趣生清暇撲

鼻古香領淨共身體力行愧何有還淳返樸念常勤烟
花三月揚州地莫謂無資此滙文

山東巡撫國泰復報得雨詩以誌慰

駐蹕維揚逢細雨邙知其日雨山東

四月初三初四駐蹕揚州連日細雨

據國泰奏報山東於初三日巳時微雨至晚漸大淋漓竟夜初四日辰刻未止入土深透麥穗飽滿豐收可必夏秋二收亦均有裨益既優既渥宜禾麥額手慶餘益凜衷

過金灣六閘書事

車邏及南關金灣之上首瀉漲仍恐弱籌及六閘口然

皆治標計治本計則否清口定水誌此事在壬午

叶壬午

南運時親臨高堰酌定視山圩五壩水誌預開清口東西二壩以洩湖水為釜底抽薪之計其五壩封土不令

輕拆下河十餘年來遂獲連稔釜底誠抽薪下河獲利久戊戌河決秋

洪湖不能受無已開五壩

戊戌秋河決儀封下游入洪澤湖宣洩不及無已啟山圩

五壩歸之高竇諸湖又以次開南關車邏諸壩歸之下河幸彼時高堰無恙下河早禾又已收晚禾補種無多

未至成

盛漲由是走高堰幸無害為以漸非陡下河灾

雖輕對民心自咎即今慶河復此事或希有底績無良

方救弊惟增醜

水營

水營舟以居圍牆斯足耳何事慮漸炎岸側板房起虞

其構涼棚禁之預有旨

水營向惟設簾牆以謹宿衛後來地方官以值夏令建板房數

間以備憩坐然此尚可耳侵尋遂有構涼棚者昨於蹕途預諭各該督撫不得建構涼棚以省浮費渡江

逮清和行宮遞遠彼水營總板房咨政原於是雖未構

涼棚布幔張庭庇障日更佈蔭用心周至此構棚惟竹

簾張幔斯布矣以布較竹簾其價當倍蓰命省乃致費

匪愛實害爾爾惟圖獻勤寧知吾弗喜寧渠弗喜哉懼

益增於已

過車邏壩

往南過壩時大河尚未復還北茲過壩故道歸黃漬未

復盼速復日夜間奏牘

儀封未報合龍前日夜詢問黃河水勢入江南境之信隨據薩

載連次奏報黃水入江南境及至徐城水誌長水文餘始知黃河歸故道矣

歸故籌歸後夏

汎防三伏然因定水誌

自壬午酌定山圩五壩水誌不令輕拆車邏等壩常封固下河

遂連歲獲稔

山圩守以篤戊戌秋河決注淮勢甚酷無已始

開茲輕重權惟恧

戊戌儀封決口料黃水定由淮入洪澤湖不得已始啟山圩五壩以洩盛

漲連歸下河幸旱禾已收晚禾補種無多不致
成大災彼時權其輕重不得不如此辦理也 其餘率

封土十年九遇熟然此幸而中聲戒驕謙自收

在京王大臣復報京師得雨詩以誌慰

亦是初三兩均霑二寸深

昨停蟬楊州於初三四日初雨連朝旋據國泰奏報山東

於初三日雨連霄達旦至辰刻未止故在京王大臣亦報於初三日巳午時起微雨飄洒至初四日卯辰益加

濛濛入土二寸餘土膏潤澤更稱近日微覺風日燥烈得此霑潤於農功大有益云 纔熾風日燥

即沐澤膏斟咨爾勿相頌惟予益勵欽燕南連趙北不

日可聞音

畿南各屬與京師接壤春膏想獲均霑惟願望報章之至

五依

皇祖閱河隄詩韻

洪湖賴高堰，塵念在深宮。費那借官帑，慮惟慚術窮。黃

流幸北徙，清水暢南通。

自陶莊開放引河，又築順黃欄，黃二壩挑通溜勢，黃流幸已北

趨其惠濟祠一帶，昔時迎溜頂衝處，所今則清水暢流至彭口始會黃東注矣。

救弊補偏耳，終

艱永逸功

洪澤湖五依

皇祖詩韻

碧淨連天萬頃虛隄工洛度立觀徐

迴驛渡黃臨視高堰及清口東西壩

工據薩載繪圖請將三堡六堡等處卑矮磚石工加高
余以磚工不若石工經久自應一律改建石工遂段分
年修築以資鞏固因令再行確核期
於永遠安瀾即多費帑金不惜也
可憐漁舫謀生計

不避風濤此捕魚

陶莊

河神廟瞻禮

春仲渡河日辦香敬禱申何期即翼旦

顯佑沐明神

儀封決口各龍後阿桂至行在面奏十一
日儀封金門尚瀾三文水深十一丈餘至

午時南壩埽根北走與北壩接連隨填壓楫料不三四
刻立見斷流而埽底亦無翻花過溜機緣巧合因敗為
功此實二月初十日渡河鮮香虔禱之次日南壩忽移
也河神默佑城神速矣詳見所作河復記

北無心自合脣崇祠紀

鴻貺惟益勵虔寅

渡黃河作

越角吳根諸務成大河返渡禮

壇棚幸逢今日金殊昨又見黃流得會清

二月初十日渡黃有渡黃

如渡清之句蓋彼大河尚未復故道云

息浪寧須稱浪細無風真不啻風

輕

天恩

神佑欽承處自問何修益屏營

命嵇璜薩載往徐州勘應添石工詩以誌事

徐城經三臨無非民務急土工及石工次第籌詳悉

丑丁

壬午乙酉三次南巡均至徐城閱視次第籌策其河南
岸既添甃石隄而北岸土隄則戊寅夏令劉統勲來徐
相度議築者起自大猗山至蕪山以禦漫流
而東河勢兩隄既成城郭田廬均資捍衛
凡緩可待

者擬翠華重出其工在城西石隄於彼畢欲接至韓山

條石易一律

自周家莊石工起至韓家山靈神廟四百三十丈地當徐城上游本擬一律接築石

隄以工可緩欲俟重臨指示故待至今

庶可恃無恐黎民安井邑前歲

戊戌

秋異漲徐城危岌岌上游決儀封此幸保無失

戊戌秋黃水盛

漲徐城勢處危險因上游儀封時和驛決口全河歸注賈魯渦河由淮入洪澤湖故此地幸獲保全然不可不亟籌

策矣

是不可再緩前議應循緝獨是陸程遙來往百

六十

自韓莊鋪至徐州陸路往還百六十里

衆應萬騎隨已亦七旬及因

之罷親莅慙非勵無逸而斯事體大部臣家聲習

乃前

河臣嵇曾筠之子習聞河務且亦曾為副總河因命會同薩載前往勘視周家莊至韓家山一帶應添石工總

期永保安瀾
不惜費帑也

督臣夙治河情形審所必同往試經營復

命重斟挹費帑豈所靳安瀾籲永翕

寄題黃樓四疊蘇東坡韻

前年河決不忍說衝隄洚水滔天發下注賈魯傍四溢

直達蒙亳洪流滑屢築屢頽嗟無計諸臣泥立濕衣襪

前歲儀封決口屢次堵築至合龍時每被冲塌在事諸
臣勞瘁河干甚至原任叅將李永吉隨塌落水冲入回

溜遇救生船登岸因
賞給花翎復還原職

匯入五湖畧澄澈委輸洪澤飲呀

呬為思長此竟安窮引河加寬聚鑲鉅

阿桂等奏壩工
屢被冲塌究以

引河未能全俾大溜之故今擬自黃家莊引河中段起
於已開丈尺外再行儘力挑寬使其不待冲刷即可暢
達因先所請即令調集人夫是或釜底抽薪策瘳瘵夫
上緊開工務於挑汎前歲事
工最憐然徐州舊河成細渠空有香燈走神刹黃樓大
異東坡時下俯來往櫓聲軋即今河雖復故道猶塵灾
所飢饉壓徐城微倖未被沴豈對此忘彼疴醫賑窮道
賦縱亟恤那便餘力畜鵝鴨四畚險韻勉四疊興異老
蘓託泛雪

河復

東坡詠河復乃復澶淵彼我今詠河復實復徐城北爾

時雖曾入淮泗旋即堵閉仍北釀所以東坡次年晏黃

樓

謂東坡九日登黃樓事

楚舞吳歌把盞喜

驟括蘇句

自從紹熙南入

淮經徐奪泗多年矣此實故道要亟歸天然合龍真幸

耳

阿桂奏二月十一日合龍時南壩埽根忽向北走與北壩接連隨填壓指料不三四刻立見斷流而埽底

亦無翻花

過溜遂以蔽功此實天助神佑非人力也

誠謝誠畏誠敬虔以云

誠感誠堪耻

按蘇軾河復詩序云熙寧十年秋河決澶淵注鉅野

入淮泗彭門城下水二丈八尺蓋彼時黃河正道在
澶州大名及濮鄆濱隸諸州其至徐州亦如近戊戌
河決之由賈魯渦河五湖之入洪澤耳又統志稱今
之河淮并為一瀆自金明昌始金之明昌當為宋之
紹熙爾時宋雖稱姪於金而南遷之宋社故在也金
之與宋祇可比為南北朝而非一統且此地亦非金
所有當稱宋紹熙五年河淮并為一瀆又元時河徑
徐州與泗水合則淮泗乃今日之經流而徐州為河

故道亦久矣獨是熙寧時河復以澶州大風終日既止而河流一枝已復今儀封決口已一載有餘而合龍時兩壩天然巧合片刻收功豈非

神靈默佑非人力所能與乎既詳見河復記因感熙寧河復之事並識於此

過桃源縣二首

桃園明李謠桃源賦

高

曰同耕古道存一再審之無其

事知仁觀過昔曾論

辛未過桃源時高賦曾奏此地耕者鳴鑼集衆通力合作猶存古風

且於隄旁呈覽及丁丑壬午兩經其地俱未見復一再
問之督撫皆云實無其事蓋通力合作即同養公田之
說人心不古豈能行之今日高斌非欺予者想
受人愚耳前乙酉詩故有觀遇知仁之論云

北來麥穗綠薰黃翻浪風聞餅餌香
陶記寓同無何有便移此地亦何妨

題和闐玉桃源圖

武陵漁父捨舟時洞口幽深欲入遲
數十步如罷行者避秦樂趣邨由知

黃髮垂髫總玉人訝刀筆勝筆精
神專諸市上多瓊玖

蘇州專諸巷多玉匠及貨玉
器者皆高樓等所溢鬻者

竊售率緣毀鬻臣

雷雨

四月十二日

清晨西南風細雨落旋止晴轉西北風倏忽大雲起南
北氣殊有是哉南風雨止北風來阿香推車殷其雷運
河接上銀竹醴流離頓挫勢莫擬極量墮灑還橫排是
時安福御舟名閣閣坐兩岸萬民紛右左舉香瞻就雨弗
避船齊入憇夫豈可執事雖有油繖支風絲時亦拂鬚
眉侍臣則已衣帽濕

時御前侍臣等護衛
左右衣帽均已濡濕

黃頭邪許齊

力施風雨歸舟盡活脫

石渠寶笈舊藏風雨歸舟圖為宋李唐所畫烟景蒼茫與此時

情景絕相似

更因濟川憶命說同舟濟不勝僂指如說其人

則有幾

運河夕景

雷雨幾陣催晚晴雲散淨江南四月初北地伏景競夕
陽在高樹川風涼却併落霞孤鶩飛上下天水暎極目
心與濶敲吟足娛性

曉行

今日程畧遙詰曉開煙舫水風送微寒露光翻麥浪風
景與時宜夏壠登秋望街頭麵價低壠裏禾苗放夾岸
閱農功乘涼心慰暢

夏家馬路

運河東帶大河西左右牢防恃兩堤放淤較前雖積土

加高應畀兩隄齊

壬午乙酉兩次親臨夏家馬路指示河臣築月隄於深塘內進黃放淤今

積土雖較前加高然必須與左右隄岸相齊方為穩固因復臨視面諭陳輝祖令其照前放淤以資保障

御製詩四集卷七十三

欽定四庫全書

御製詩四集卷七十四

古今體八十四首

庚子十

安瀾

龍王廟三疊舊作韻

欲勘流歸壑暫教艤

安福

艤河萬年資普濟一氣達洪渦

清浦纔申悃

二月初十日渡黃河甫於陶莊申誠默禱而十一日遂有儀封雨壩自行

河神廟

合龍黃流順歸故道之事詳見河復記

宣防竟歲歌由來叨

一佑陶莊儀封相去雖遠而神靈昭既正如水在地中無往不在固不當論其在此在彼是一是二也

敢不謝斯過繼

志勵無忝

此廟雍正五年
皇考所建答

庥曰若何惠民敷化雨克已息心波

舟行口號

岸轉舟行風不隨却如風信屢遷移

運河勢多曲折雖風信如常而舟行

岸轉屢有變遷可悟六祖風幡之指

本非風動緣舟動六祖心傳藉悟茲

題宋端溪子石蟠桃核硯

子石天然似桃核遂教附會謂西池漢家仙幻宋家效
識者付於一哂之

嵇璜薩載會勘徐州石工畢復命詩以誌事

勘河貼說繪圖還同是隄防非別襲新石重教增舊石
徐州城外舊有石工三段長九百七十餘丈較之丁丑
南巡時親臨指示所建新石工用石十七層者短少二
三層不等前歲黃流漲盛僅出水數寸因命嵇璜薩載
會勘將舊工分別加高二三層務與新工一律相平以
資鞏固韓山一律接奎山自韓家山至奎山一帶四百五
十丈當徐城上游向止隄堰攔
禦茲命會勘改築新石隄內四百三十丈應砌石十七
層其接連山脚之二十丈地勢較高砌石十二層以上

各工共估需銀九萬二千餘兩即令薩載等核實採辦運工接築統於來年四月以前工竣補偏救

弊惟斯亟永逸一勞真是艱行水禹之行無事言思及此輒頽顏

過牖

運河利有牖為節盛則宣洩弱則蓄設使無此資操縱一往就下後難續牖來水因水勢雄拖犁牽纜忙船工左支舟或屈於右西掣牖翻撞其東閤閤坐視乃生笑一切罷之去呼噪無何牖牆亦有過何有尾大致不掉

蜀爾因憶杜老詩本無事而庸擾之

陝西巡撫劉秉恬奏報得雨詩以誌慰

揚州細雨月初三

三月也近有大觀堂對雨之作

同日燕齊澤並覃

在京

王大臣及山東巡撫國泰先後奏報四月初三四日得雨誰識西秦更優渥均霑五

寸勝東南

劉秉恬奏報省城并附近各屬於四月初三日自子丑至午未雨勢踈密相間入土五寸

當二麥升漿結實之際得此甘澍顆粒益加飽滿禾苗滋茂豐稔可期閭閻共深忭慶云麥麴結穗

正資實未黍拔苗益潤甘獨有保陽仍待信

直隸近接京都山東

至今尚未奏報初三四日之雨為塵顯望祈年何處不憂擔

過伊河入運口

徽山洩漲亦名伊

此伊河非伊洛之伊蓋徽山湖會牛頭涑柳之水並金鄉魚臺二縣水由

南陽昭陽等湖匯成巨浸其尾間一由荆山橋河入運一由韓莊湖口新舊二牕入運丁丑歲因湖水漲盛開此伊家河一道長六十九里由韓莊牕宜洩入運嗣後酌定水誌於湖口牕迄北添建滾水石壩量水勢大小加板蓄洩以資濟運兼酌劑其間利運資一舉不妨成利農田實為一舉兩得

兩得由來事總在人為

徽山湖

受潦利民田輸川濟漕運水匱功實鉅節宣要勤慎前

人貽良規行之在後進無責屢更張亦戒怠弗振即事
吟五言或補司河訓

舟行

自入山東境舟行鮮御駭每出船頭坐為便萬民瞻兩
岸堪縱目沿路農功探麥穗秀以齊灌漿浪含含大田
種亦畢出土發翠尖獨是微覺燥風日漸烈炎雖未岨
嵬甚弱苗恐難堪何處非吾民為望時膏甘夏雲佈四
宇庶幾三寸霑

復聞京師得雨詩以誌慰

邇日風畧燥緯路微塵鼓麥穗縱宜暄飽粒亦資雨為

之望甘膏史遠厓畿輔書諭命往詢

日前以麥秋將屆而風日覺燥因為

之望雨情殷又將旬未據京師奏報得雨因命書諭問留京王大臣查奏若覺乾旱即令諸皇子設壇祈雨

京報至卓午留京王大臣報霑三寸土

王大臣奏報本月十二日自子

至寅雨勢潑密至申刻雷雨交作入土三寸餘合之前次初三四日之雨已及五寸誠堪慶慰遂罷發旨往問

合之前二寸其澤已及五額手誠慶慰無煩馳問取其

日亦作解

舟行亦於十二日遇雨所霑逾寸許北竟此故有雷雨之作已見前

南優調幕塵寰宇

題舊玉飛龍異爐

何年廟罷贊天經刻作飛龍殿四靈毛伯那侯異周製
祖丁父癸似商形依然韞匱閱桑海所惜徒薪遇丙丁
是罷蓋曾土氣羊脂胥變幻祇餘雲水淡拖青
遇回祿者

詠舊雕漆玩鶯茶盤

僮持供具鶯遊水取水烹茶茶亦香却勝蘭亭會賓從
泛來旨酒飲如狂

雨

四月十八日

卓午雲纔佈交申雨遂紛沃心副希冀

今曉每行有為望時膏甘之句

以近日暑覺風燥也

澤物特殷勤期趙五日近

五風十雨已為時若期昨十二日雷

雨茲纔五日耳

潤霑四寸深

山東巡撫國泰奏報濟寧州境及所屬魚臺嘉祥汶上三縣於十八

日未時至戌時得雨入土四寸四野深透

入宵聽漸漉惟惕以為欣

晴

夜雨詰晨霽河風拂曉寒露光平野潤雲氣遠天殘溪路依然湖麥田頃改觀前途農務況次第待憑看

登太白樓三疊舊作韻

步輦濟城曉入闔萬民瞻就愛情真清遊趁此暇之便

豪飲殊他主與賓却以飄然緬昔句

謂杜子美詩

益教愴爾

憶前巡

丙申東巡掖
追溯如在日前

益增感愴

拈吟鬚忽七旬逮豈

是不踰矩者人

題南池少陵祠三絕句

狂歌適陟太白閣苦詠今瞻子美祠咫尺遺蹤隣左右

吾心乃覺醉於斯

詩仙雖具出塵體詩聖原多憂世心問我二人優劣者
試看七字定評吟

三間古屋亦尋常却覺迎人翰墨香安得清閒無一事
展他遺帙與商量

謁分水

龍王廟

倂曬背流原是合千秋通漕著奇勲永資

神佑惠無射亦藉人謀識不羣

謂白衣老人
識水性者

上水船茲

為下水北沅波轉忘南沅
裴家庭裕姚家洎優劣殊他
頃刻分

題文徵明茶事圖

茶塢

亭帶蘭堂茶塢詠支硎虎阜祇蘇州

徵明為茶事圖稱支硎虎阜茶事最

盛然蘇州雖產茶實不如浙之龍井也
昨經龍井連林薈却笑斯為強出

頭

茶人

雷後雨前正及時筠筐羣出採槍旗高人偶一為之耳
豈似種茶者習茲

茶筍

枝頭纔吐幾分長眼想青芽鼻想香不與籜龍爭尺寸
一般清品入新嘗

茶籜

編竹為籜雅製精品殊部別貯分明設因功用論甲乙
合向其中號建城

茶舍

開牕掃地置都籃勝友恒來茶事探試問最宜是何處
惠山寺裏聽松蒼

茶竈

竹鑪石鼎總堪陳無突還看製作新坐祀竈傍定誰氏
陶形陸羽乃其人

茶焙

雀舌新芽要焙乾憶曾辛未一親觀

辛未南巡曾至龍井觀採茶作歌有

慢炒細焙有次第
苦工夫殊不少之句
新絲新殺夷中詠
滿目民艱絮矩
看

茶鼎

竈以進薪鼎盛茗相需
殷處得相彰盡其材在處
聲工得

地茶諫還應憶蔡襄

茶甌

堀坑曾輕劉氏啟

見陸龜蒙集

烟嵐珪璽亦妍詞

反龜蒙句意

三

清詩畫陶成器

向以松實梅英佛手烹茶因名三清陶甌書詩并圖其上重華宮茶宴每以

賜文頗覺箇中佳話宜
臣也

烹茶

魚蟹眼寧須細求無過解渴綠盃浮十章吟罷飛逸興
又似金閨一再遊

詠周玉尺

周尺未盈尺漢前果是前自然存古穆曾弗事雕鏤物
閱滄桑世吟慙四十賢量材設相擬惟帝尚難旃

登光祿樓卽事三疊舊作韻二首

東南巡狩浙蘇區鵠首歸瞻西北隅暫命行轡艤河岸

遂乘輕輦入城衢祇殷為度觀民切畧厭排當接路鋪

麥固望收塵土大却愁近日雨膏無

自十八日雨後晴
霽六七日漸覺風

燥為之望
渾又殷矣

統志今殊府志區為光為望各分隅

一統志以望嶽樓
在聊城東北今名

光嶽樓而東昌府志又以光嶽樓在府城中而城東北
隅又別有望嶽樓即一事而紀載謬舛如此其不足信

前乙酉辛卯兩
申諸作屢辨之

謝他舊跡尋東北

府志所稱東北望嶽
樓今實無之蓋久頽

廢而此樓基址
宏固益足經久

祇此層甍據巷衢不必誰何七萃肅任

教瞻仰萬民鋪銀牌侍衛行行賜可果其中漏者無

題舊澄泥海濤異獸硯

知雕不辨鑿痕施獸若騰濤濤若披疑供木家成賦後
挾天鎔出許多奇

無為觀再疊舊作韻

南巡出法宮歲禮既惇崇歸舫茲停舫

三公謁

帝公

觀中祀
三弟兄即

三官大帝世傳茅家
上帝之三公也

午年忽經亂申歲

此歌功

甲午秋青張逆匪王倫倡立邪教殺此觀亦重經踞臨清舊城寺廟民居多被殘毀此觀亦重經

修整丙申東巡經此作臨清歌以紀其事

象設惟冲漠無為佈

澤鴻

雷雨

四月廿六日

過午燥西陽傍晚升雲氣須臾作雷聲雨絲忽禁至蓬
窻遂攢鳴一川雲霞意喜而不忍眠然未敢即慰曾弗
消片時雲輕雨亦細患失果失之徘徊惜難置

曉涼

昨熱弗可當開舟衝曉涼川途無定候農務有恒望雨
或霑他處澤仍盼此方最憐民夾路坐不避塵揚

迴鑾至德州行宮作

舟事昨朝藏陸程今曉登十旬忽已閱一豫敢忘兢通

日望雲切乾田待澤仍行宮詠舊作

壁間舊作多問
安迎

輦之

什至丙申留題尚云秋為願
躬衆忱
益覺悶懷增
切又聞縮頓數間成迴環諷詠彌覺增懷

入直隸境

燕齊近接境疆吏送迎分一例坐塵堞忽看起夏雲雨

霏旋即止

是日微雨

心惜邨能欣麥穗灌漿候為之望澤殷

河間道中作

五月初二日

前朝脩市雨淋纖

四月晦日

獻縣北今五寸霑尚見牛蹄涔

積潤不須蟻穴象重占資蘇藂簇麥薹穗改觀去聲菁蔥

未黍尖迤北未知澤何若速教詳視騎程敷

河間道中於四月晦

日得雨五寸今日經行尚見四野含潤頗為優渥其迤北各處是否能一律普霑仍深塵念因今袁守侗耽騎

報探

山東巡撫國泰奏報得雨

亦是四月晦云逢大雨傾午連申未止溝與澮皆盈

國泰

奏報亦於三十日巳午未申間德州得有大雨俟雨止查明分寸并各屬報到再奏云云惟祝普而

遍忽增愧以忤北南如巧避

德州在景州南獻縣在北兩處同日各得雨而是日

駐景州雖得微雨不及德州獻縣之優益為慚惜

在我若為情

由來

方幸河間北霑雨由來迤北旱還同都無卅里土膏潤
原祇一天風日烘行路卽能免旅况閱田惟是憫農功

歸輿已自懶吟興吟以恒暘益省躬

山東布政使于易簡奏報得雨詩以誌慰

省城應有大員留

昨在山東時巡撫司道多隨營辦差無大員留省因令于易簡回任并令

於省城設壇祈雨

雨報濟南五寸周識彼東西霑以廣

于易簡奏報四

月三十日申時起至五月初一日丑時雲氣濃郁透雨竟夜入土五寸昨國泰奏報德州得大雨德州至濟南東西三百里是

殊茲南北被非優

昨經獻縣北一段雖見得雨優渥而南北

所被頗廣也

三十里以外則雖然額手暫生慰仍是蹙眉未解愁傍

仍盼望膏澤也晚雲容漸濃布庶幾今夜霈恩稠

夜雨
五月初四日

夜雨忽聲傳簾牙滴溜泉沃心盼未定傾耳聽無眠半

刻遂中止他方徒遠牽凌晨馳探騎一寸澤猶愆
初四日趙

北口入夜時雷雨大作半刻旋霽因令袁守伺
遣人南北馳探數十里均不及寸蓋勞塵念耳

端午日於趙北口作

迎鑾近遠發伴郵

端午日駐蹕趙北口班禪額爾德呢
遣喇嘛伊什巴爾珠布及哈薩克使

白色德克蘇爾坦等前來迎觀即於行宮前設龍舟水
嬉賜宴其自京迎鑾及扈從之王大臣等並命與宴以
昭慈惠是日內閣本報亦至仍照
常批發不因宴賞致稽政務也
午日燕南趙北州嘉

彼傾陽來雁使恰茲臨水示龍舟率因逢節俾懷惠實
自望霖未解愁春孟去而夏中返光陰訝似逝波流

南巡迴蹕駐御園之作

往返十旬勤省方湖

淮河徐海

浙各策籌覆

南巡要務在河工海

塘而洪湖清口尤為治黃關鍵昨親臨閱視罷楊莊河
口改移之議其高堰三堡六堡等處卑矮磚工改建石
工逐段分年修築又暢開陶莊引河俾加寬深復命大
學士阿桂等往勘雲梯閘外海口自二套以下留以分
洩盛漲暢達尾閘不必與水爭地其灘地應徵減則地
畝並令薩載等查明請豁又命尚書嵇璜等往勘周家
莊至韓家山改建石工四百餘大並將舊石隈加高層
數與新隈一律整齊至浙江海寧柴塘四千二百餘丈

雖尚完塋然完不如石塘之翠固因命督三春時若南
撫勘估改建石塘俾濱海羣黎永資樂利

邦闕首夏澤殷北地望

自四月以來直隸山東望雨頗切惟濟南一帶於四月三十日

已得透雨至德州以北則仍盼渥澤詳見前詩

閱若忽忽時度速望殷切切澤

愆長寸衷更有難堪處

萱祀那重問

豫慶

賦得方諸見月

得精字八韻
散館題

理必乘乎氣響相應以聲試看陰燧設乃得寶津生大

蛤本來物方諸孰與名摩挲原藉手溫潤似含情隱隱吐靈液溶溶映魄京壁傳何氏賦盤勝漢家擘詎是傳詞幻固知入義精如占離畢澤瞻望正怍怍

宣和柳鴉蘆雁卷

柳絲蘆葉粗粗繪鴉意雁姿細細摹植物無情飛物有寫真豈不在茲乎

本於花鳥擅傳神近得寒江歸棹真一例入微能契妙其昌已辨主和賓

近得宣和雪江歸棹圖足為石渠寶笈中宋人畫卷之冠卷後董其昌跋

云宣和寫生花鳥時出殿上捉刀真蹟相錯至於山水
惟見此卷疑彼時收貯維畫尚夥或徽廟借名楚公曲
筆亦未可知余則以宣和繪事本精花鳥未嘗不可通
於山水且蔡京識語謂有四圖則雪江卷乃四景之一
安得悉有名繪似託其昌論未免好奇曾題詩辨正之
今觀此卷寫鴉雁皆極精微神情入妙洵非庸庸可充
更可為宣和以
工細擅場之證

柳合藏鴉蘆聚雁天然位置位稱佳蔡京王黼繼為相
何獨用人識乃乖

詠漢玉軻頭餅

軻頭舊法物樸素弗雕篆何此夔文蔚依然鱗理輝雖

云後代製也似古珍稀槩几簪時藹采鼉映淨翻

宴坐

宴坐畧清暇身閒心未閒竭思元日雪泥勝慶兆年仲

季巡江國時若宜農田

江浙春雨最多今歲南巡時每晴霽數日即得雨澤最於農務

為宜侵尋入首夏齊燕歷迴鑾雖有霑雨處頗多望澤偏
心神為弗寧宵旰祈霖虔奈何雲甫作而風妬之旋御
園饒佳景何曾頌盤桓無可消繁緒摘詞塵民艱

題和闐王洗桐圖

長夏梧桐滴乳新課僮汲水洗來頻誰知踈懶忘世者
偏合稱之曰玉人

詠宋哥窯蟾蜍硯

書滴曾聞漢廣川翻然為硯永其年

硯作蟾蜍形仰腹承墨處無釉背印

篆書永若論生一陶成物自合揮毫興湧泉

賦得日午

得中字八韻
朝考題

德擅羣陽表功資萬物崇光華尤麗午次第自由東都
廣照無影昆吾對有同方欣正卓犖不是始曛曩調語

退三舍幻詞詡再中樹陰亭勿倚花氣暖如烘蓮漏欲
遲滴銅圭未改融捧盈欽取象消息省吾躬

金廷標簫聲泉韻

吹簫入坐流泉畔聲韻雖贏未易猜意謂輸絲不如者

聽曲絲不如竹
竹謂簫笛也

其中喚得鶴飛來

畫中一鶴聞簫飛下
高士注目視之可謂

妙寫簫
情矣

詠朱櫻竹刻筆筒

雕筠三百歲餘全

竹器每多圻裂是筆筒經三
百餘年穆然渾然信珍玩也

丁甲呵

持信有焉便是弓裘循舊業文房也合詠之篇

雨五月十三日

過午東南佈族雲未申遂落雨絲絲時踈時密息風勢
既渥既優入夜分不忍眠中兼切懼惟傾聽際敢生欣

畿南曾否同霑被郵騎飛馳問以勤

是日京師得雨六寸餘頗為霑渥因

馳詢袁守伺畿南情形翼日申刻據奏報保定亦於十
三日雨自午至戌未止入土六寸高下霑足民情歡慶
且雨勢寬廣霑被必多現在行查
各屬覆到另奏覽奏為之稍慰

西直門外郊行

春郊閱歷夏郊并望雨燕齊達帝京今日鳳城門外路
宜人都為昨霖行

陌柳垂珠露未乾肩輿緩步破輕寒五朝前切愁農况

南巡迴蹕至御
園達今五日矣
一雨郊行頓改觀

所勝當年田遍耕

往年春夏之交北方率多望雨之歲
今春雪澤甚佳仲季亦時霑甘澤故

大田遍種一望青蔥頗勝
往歲此時尚有未種者

益資膏澤潤苗莖通宵甘雨

滋優渥尚有餘情惜晚晴

夏至齋居

肅齋居清禁北至日正長咨政多餘暇返躬時自詳任

官在知人難於辨否臧安民在祈歲艱致變雨暘遠邇

報霑霖一二仍澤望

日前望雨頗殷昨十三日京師得而六寸餘隨據順天府尹吳綬詔

奏報各屬是日得雨分寸霖雲八寸良鄉通州香河東安等處五寸而霸州房山紙二三寸未免仍殷願望耳

有慰即隣肆無逸寧辭忙雨後滌炎囂弗礙騰陽光永

懷公權詩殿角生微涼

題舊端石蓬萊仙闕硯

是何閨苑是瑤池覆手惟存無字碑欲告含毫吮墨者

立言不易合深思

匣度秦漢印統內玉章八枚因成八韻

印統識琳琅精研紐檢詳晨星本稀見數載粹珍藏彬

爾成一部居然得八方蘇疑聯伯仲蘇蘇武鳳王似合珪璋

王成代泯惟何補名傳徒杜章二人皆不逸人六誠聚

謂竹溪仙客兩虛償謂八仙羣與古相會騰看夜有光仍

餘吉語二天祿永其昌藥括二方吉語

金鉉滄浪濯足圖即用其韻

雖衫不履並科頭萬里瀟浪澈底秋側峙高岡亦千仞
太冲詩意具扁舟

題舊玉爨鑪

舊玉香鑪式作爨抑爲殷子抑周姬擬之尊竿斯成舛
廁彼鼎盃仍覺宜視不射眸章以闇撫無留手穆而怡
觀其入土還出土亡可欲言深可思

雨

五月十七日

昨日熾炎盛今晨蒸雨優五朝澤敷繼四寸潤霑稠次

第馳佳信

昨十三日之雨據吳綬語袁守侗等先後馳報近畿得雨情形茲於十七日復得渥澤適

符五日之期

徘徊解愁愁午晴猶可喜無礙麥之收

麥收時最忌連

陰怨毒而等芽也

夏至日

北郊禮成述事

乾巽一陰交繫金柅况爻

方壇欽大祀

黃幕薦豐肴久沐

安貞惠益深感荷去聲包躬承及代

獻已亥

南郊以年七旬將屆因稍省煩勞專心裸薦定於

正位躬詣香帛俎爵以申虔敬至

配位

列祖

列宗惟親詣上香其獻爵進

俎則命諸皇子

恭代今歲七旬

恭舉

北郊大典親

承恭代一如前

南

禮舉視

郊之禮無故過不及也

南郊

題沈周山水即用其韻

一翁垂釣碧波潺落澗流泉帶遶灣是米襄是吳仲還

是董北憑人議向畫中山

用沈周自識意

詠漢玉瓜瓣盃

美質出藍田投瓜特肖焉瓊琚奚藉報葉蔓鎮如鮮置
水無浮理承漿有壽延問他佈種日應在勸蕭年

題宣和綠端石華嚴海會硯

巨鼇嘘氣為虬聞大海環之渡應真靈素爾時崇道教
華嚴何藉演金輪

夏日池上居

迴鑾五日御園居齋戒還宮居亦如

以五月初九日迴
蹕御園至十四日

還宮齋戒十九日禮成
仍回御園凡皆五日
將欲興州避暑幸可茲夏日紀

時虛七言即景聊酬爾兩度蒙膏真慰予略覺忽忽來
往遽無須物議早慙諸

幸避暑山莊啟程之作

祭

澤傳臚遠庶士藏諸務益敬勤增巡方歸未半月閑避
暑諏惟吉日應鷺序駕行列班聚玉鞭珠勒啟行仍古

稀天子猶乘馬

迴蹕旬日
引見文武各官

北郊殿試散館選翰林
諸務次第悉舉即於二

十一日啟程幸避暑山莊凌晨策騎控無逸箠去聲垂元
御如常雖年已七十未覺鞍馬煩勞也

與曾

過清河橋

十里清河路不遙一川新水漲增橋麥收秖半遺黃稂
禾茁惟新編綠苗

府境踰齊衆老民年年原是沐恩頻嫌他路在綵亭構

亦曰羣情祝七旬

近郊遠次老民迎踰者亦設綵亭比
常歲頗覺增華詢之袁守伺據稱今

歲以七旬萬壽羣情歡忭構
此以申慶祝然意味惜費

跋馬青郊塵不生
曉雲忽晦忽為晴
斯時雨可弗雨可
繼潤當佳慮過盈

雨
五月廿一日

行宮早駐旌
過午夏雲生
初見細絲織
繼聽平聲亂筑鳴
庭軒涼意颯
階祀潤膏盈
此際無他慮
既霑思快晴

懷柔道中作

半夜欣開霽
侵晨登路郵
微涼真愜意
潤景總迎眸
歸去岫雲淡
蒸來黍露浮
伊犁靖戎索
此那說懷柔

河南巡撫楊魁奏報得雨詩以誌慰

首夏需霖北地通

今歲四月杪五月初間直隸山東河南俱不免望澤茲據楊魁奏報河南

自四月十八日得雨後土脉稍乾逢因之任澤霑洪楊

農田正需雨澤情形大畧相同

奏自江南赴任於五月十三日酉刻行至考城途次大雨霑沱次日寅刻方止入土深透四野均霑開封府屬

之儀封蘭陽祥符等縣同日霑已欣嘉霑四野遍更幸

霑雲勢甚廣各屬諒皆周徧

恩期一日同京師及近畿保定等屬桑濕興犂資普種

翻沙壑隴勸勤工

楊魁又奏割麥之地可以桑濕翻犂普種秋禾間有去歲沙塵地畝居民

各盡力耕鋤以期壅復其未被水州縣二麥俱有入疆

九分豫省水災之後得此麥收雨澤為之欣慰

農務應先急即被優膏實慰衷

過九松山

寺從左見路循右

自穆家峪循蹊北行於山左遙見寺而路由右轉方至山寺前蓋山本向

北寺據山巔故自左側先見也

忽至山前翠蓋重餘不具言所識者移

來疊浪九株松

攝山九株松在疊浪崖前

江南河道總督陳輝祖奏報得雨詩以誌慰

清和我生魄雨後江南旬餘連逢霽侵尋歷齊及入燕
日甚一日望霖意適值楊莊報水淺遂繾江南詢雨勢

本年江北一帶春夏間雨澤消弭據奏楊莊口門有淤
淺者因傳諭薩載陳輝祖妥辦並詢問近日各屬曾否
得雨奏來大都需甘澤遙憶民間恐灾致北方次第幸
情形

霑膏佳音今日方云至

直隸山東河南均奏報於五月
十三日得雨而今日陳輝祖奏

十三日清河山盱及徐揚一帶亦經得雨未能普遍至
十七日自丑及巳甘霖始大霑得雨六寸入土深透雨
勢現在未止當蒔秧舉邦之際雲霓惟望民情惟慶楊
莊口門水深至八九尺重運遙行無滯云云覽之欣慰
然因此又縫念
大江以南矣
督河驛報清江地月既望乃涯霑霑叶

入土六寸勢頗廣蒔秧舉邦興農事運口水深八九尺
無煩起剝舟行利額手固為淮徐慶仍厘江南念弗置

出古北口

千載巖城雖就隕亦餘碑
峴枕崔嵬藉看歷代興亡蹟
不外一言德險該未泰
青蔥經雨後黔黎踴躍識鑒來
守斯足矣為門戶慙愧伊犁萬里恢

常山峪行宮晚景

雨後夏增爽況於關外居
四山雲吞吐一谷稼幪與高
樹夕陽朗閒庭晚籟虛
例斯抗閣本有暇亦翻書

江蘇巡撫吳壇奏報得雨詩以誌慰

正縫江南雨若何驛章馳報霈恩波甘露月望四郊遍

沃土澤霑六寸多

江南夏至前後需雨最殷昨於五月初馳諭詢問茲據吳壇覆奏蘇州十

五日自丑至巳甘露大霈入土六寸四郊均已霑足秧田青蔥彌望農氏無不忭躍江南土俗尚以夏至後半月為三時民間裁種之期若過三時即為晚稻故夏至前後需雨最殷云裁時三時期未誤

歡欣萬姓氣增和觀民甫返憐猶切慰志因成七字哦

至喀喇河屯作

此日灤平縣當年舊黑城

喀喇滿洲語謂黑蒙古語同或謂舊

草沿原可

考稱謂亦頻更破曉因啟輦趁涼早駐旌凡事豫則立

是語義含精

御製詩四集卷七十四